

Tatou faiga faavae tau soifua maloloina ma auaunaga i le tino ma le mafaufau e lē o malosi atoatoa

Soifua maloloina o nuu i tua atu o le taulaga

E feagai tagata o afioaga i tua atu o le taulaga ma luitau tau soifua maloloina e maoti ia i latou ma e lē masani ona maua ai tagata o alaala i totonu o le taulaga. E tāua le amanaiaina ma le faatāuaina e le faiga faavae tau soifua maloloina ma auaunaga o le tino ma le mafaufau e lē o malosi atoatoa o luitau nei i lona tulaga e aogā ai i le lumanai.

O ā mea ua suia nei? Aisea?

E masani ona faafaigata i tagata mai nuu i tua atu o le taulaga ona maua totino tausiga tau soifua maloloina, aemaise tausiga faapitoa ma tausiga i totonu o falemai. I nisi o nofoaga, o loo faigata ona maua auaunaga tau soifua maloloina e sili ona moomia. E lē gata i lea, o faaletonu i le maua ai o le initaneti ma faiga faainitaneti o nisi nei o faaletonu ua faafaigata atili ai ona faia e tagata le tausiga mo i latou lava po o le talia o faiga o loo maua e isi. O itu uma nei ua atili ai ona faafaigata ona ausia taunuuga lelei tau soifua maloloina mo tagata o loo alaala i nuu i tua atu o le taulaga.

O le tele o suiga i le faiga faavae tau soifua maloloina o le a maua ai suiga lelei i taunuuga tau soifua maloloina mo tagata i nuu i tua atu o le taulaga. Mo se faataitaiga:

- o le faavae ai o se Māori Health Authority o le a tele atu ai le lagolagosua e faia mo tagata Māori i totonu o nuu nei latou te atiae ma faatumaia ai auaunaga e atagia ai faiga taualoa a tagata Māori
- o le suiga i se vaega e faamaopoopoa auaunaga i nofoaga faalotoifale o le a mautinoa ai o uluai tausiga tau soifua maloloina i totonu o nuu i tua atu o le taulaga, o le a talafeagai e ausia ai manaoga ma tulaga o ave i ai le faamuamua e tagata
- o le suiga e atiae ai vaega e faamaopoopoa falemai ma auaunaga faapitoa o le a faaleleia ai le maua tutusa i taimi uma o auaunaga nei mo tagata i nuu i tua atu o le taulaga i le atunuu atoa
- o le siitia o le taulaiga i le faaaogāina o tekonolosi e fesoasoani ai i le tele o tausiga faainitaneti o le a faia, o se auala o le a atili faigofie ai ia i latou o alaala i nuu i tua atu o le taulaga ona maua tausiga faapitoa pe a moomia.

O le a faapeī foliga o lea faiga faavae fou i le lumanai?

E faaauau pea ona faatino galuega i totonu o nuu i tua atu o le taulaga e tagata faigaluega ua agavaa i auaunaga tau soifua maloloina. O le a sili atu ona lelei le lagolagosua e faia mo tomā faapitoa tau soifua maloloina auā le faataunuuina o tausiga e tele i totonu o afioaga ma o le a fuafuaina tausiga nei i manaoga ma tulaga o loo ave i ai le faamuamua i totonu o nuu i tua atu o le taulaga. O le a aofia ai le faatāuaina atili o le faaaogāina o tekonoosi e faataunuu ai le tele o tausiga faainitaneti pe a talafeagai ai. O le a faataunuuina ai foi le tausiga i totonu o afioaga i se auala e sili atu ona maopoopo ina ia mafai ona faasoa faamatalaga e uiga i tulaga o se gasegase pe a sui auaunaga e faaaogā e tagata.

A moomia e nuu i tua atu o le taulaga tausiga i le falemai poo tausiga faapitoa, o le a mafai ona latou maua faamatalaga manino ma le tutusa i ituaiga auaunaga e mafai ona faamoemoe i ai auā le maua ai o auaunaga i nofoaga o loo faataunuuina ai.

O le ā le isi laasaga?

O loo iai pea galuega e fia faatino e auiliili lelei ai le atinaega o auala e lelei ai le faataunuuina o le faiga faavae fou. O nei galuega o le a aofia ai faatalatalanoaga ma sui o le soifua maloloina i nuu i tua atu o le taulaga, tagata o loo faaaogāina auaunaga, aiga ma afioaga, i mataupu e pei o:

- auala e mafai ona tatou faamalosia ai tagata faigaluega i nuu i tua atu o le taulaga e faamautinoa ai le faatumauina o tausiga
- auala e mafai ai ona tatou faamautinoa o vaega o loo faamaopoopoa uluai tausiga tau le soifua maloloina o loo atiae i se auala e mafai ai ona ausia manaoga o nuu i tua atu o le taulaga
- auala e mafai ai ona faaaogā tekonoosi faainitaneti e faaleleia ai le maua o tausiga mo nuu i tua atu o le taulaga.

E te fia iloa atili?

Mo nisi faamatalaga e uiga i galuega ma tulaga ua ausia mo le toefuataia o galuega tau soifua maloloina, tagai i le upegatafailagi a le DPMC i le itulau o loo ta'ua ai galuega a le Transition Unit:

www.dpmc.govt.nz/our-business-units/transition-unit